

الحلقة) 30 ("تفسير سورة الحج"

#أصول_الوصول_إلى_الله | د. حازم شومان

حازم شومان

السلام عليكم ورحمة الله وبركاته. الحمد لله وكفى. وصلوة وسلاما على عباده الذين اصطفى. اللهم لك الحمد كله. ولك الملك كله وبيك الخير كله وعليك يرجع الامر كله. اللهم صل على عبدك ونبيك محمد صل الله عليه وسلم. في الاولين والاخرين - 00:00:00 وفي كل وقت وحين. اصول الوصول الى الله من سورة الحج. نحن الان في الحلقة الثالثة اخواني واخواتي في الله. نحن الان في ثالث حلقة من اصول الوصول الى الله من سورة الحج. الشوط الثالث من سورة الحج يعني هيظهر قدامكم على الشاشة. باذن الله سبحانه وتعالى الشوط الثالث من اول اية - 00:00:20

تسعteen من اول قول الله سبحانه وتعالى هذان خصمان اختصموا في ربهم فالذين كفروا قطعوا لهم ثياب من نار لحد اية اربعة وعشرين وهدوا الى الطيب من القول وهدوا الى صراط الحميد. ده الشوط الثالث من اه الاشواط التمانية بتاعة سورة الحج - 00:00:40

الشوط الثالث زي ما انتم شايفين الايات بتاعته يعني هو كله عبارة عن آآست ايات بس ولكن آآنزل امتي يا جماعة هزه الايات؟ هزه الايات زمن هزه الايات مدنية نازلة امتي؟ نازلة بعد نصر بدر. طب والشوط الثاني فاكررين كان امتي؟ الشوط الثاني كان في مكة في عز مكة. يبقى الشوط الثاني كان مكي - 00:01:00

والشوط الثالث الشوط مدني. طب شوط مدني بيتكلم عن ايه؟ بيتكلم عن عاقبة المشركين اللي اقتلوا في غزوة بدر. اترو في القليب النبي عليه الصلاة والسلام جاب بقى ايه ابو جهل وعقبة ابن ابي معيط والتضر ابن الحارث صناديد المشركين اللي اتسموا في الشوط الثاني - 00:01:20

آآآ ويتبعوا كل شيطان مرید. الشياطين المرضة دول اقتلوا في بدر واترموا في القليب. فخلاص جثث واترمت. ولكن ربنا بقى المشهد الذي لم تره العيون. جاب منظر الملائكة وهي بتعزيم ازاي؟ ولبس السجن بيتعذر لهم قطعت لهم ثياب من نار. يعني ليس السجن - 00:01:40

والعياذ بالله ليس من نار بيتفصل على قد جسمهم. ويترموا على طول في زنزانة من زنازين جهنم. والعياذ بالله. فربنا جاب المشهد الثاني في هؤلاء القتلى الذين قتلوا من المشركين. طب ايه الرابط ما بين الشوط الثاني والشوط الثالث؟ الشوط الثاني مكي في عز مكة والشوط الثالث مدني بعد - 00:02:00

غزوة بدر. الرابط ان الشوط الثالث بيتكلم عن عاقبة الشياطين المرة ده. اللي كانوا مبهديننا في الشوط الثاني. الشوط الثاني كله جدل. كله جدال كل حرب على الدعوة كله صد عن سبيل الله - 00:02:20

سبحانه وتعالى. ومن الناس من يجادل في الله. ومن الناس من يجادل في الله. فجه الشوط الثالث بقى قال لك عاقبة دول في النهاية في الدنيا كان شكلها ايه سبحان الله يا جماعة! ده شوط مكي وده شوط مدني ولكن الترابط بينهم رهيب. ده نازل في عز مكة وده نازل بعد نصر بدر في المدينة. وده - 00:02:34

جبريل يأمر النبي فالنبي يأمر كتبة الوحي انهم يحطوا الشوط ده والایات دى بعد الايات دى في نفس السورة رغم ان دى نازلة في سنة ودى سنة تانية خالص ودى في مرحلة تانية خالص ولما يتحط الايات جنب بعض تفاجأ بترتبط

اعجazi وتفاجأً باعجاز رهيب هو ده القرآن - 00:02:54

يا جماعة كتاب من عند الله. كتاب كله ترابط وكله مترابط مع بعضه. يبقى الشوط الثالث نازل امتي؟ نازل بعد نصر طيب الشوط الثالث يا جماعة يعني آنا نازل في مين؟ نازل في اول مبارزة حصلت في غزوة بدر. يعني الجيش المسلم واقف اهو والجيش المشرك - 00:03:14

النبي طلع ثلاثة من المسلمين والمشركين قريش يطلعوا ثلاثة من المشركين. الثلاثة برضه بعض. الثلاثة مسلمين قتلوا الثلاثة المشركين كان مين المشركين عقبة بن ربيعة؟ شيبة ابن ربيعة الوليد ابن عتبة. كان مين المسلمين حمزة ابن عبد المطلب علي ابن ابي طالب عبيدة ابن - 00:03:34

حارس فالثلاثة المسلمين نزل فيهم هزه الآيات ان الله يدخل الذين امنوا وعملوا الصالحات جنات تجري من تحتها الانهار. والثلاثة المشركين نزل فيهم هزه الآيات هذان خصمان اختصموا في ربهم. فالذين كفروا قطعوا لهم ثياب من نار. يبقى الآيات ديت نازلة في ثلاثة بس يا جماعة - 00:03:54

النعم اللي فيها نازل في ثلاثة من المسلمين. بس مش اي ثلاثة. اول ثلاثة رفعوا الصيف عشان ربنا. اول ثلاثة لان بدر كانت بداية الجهاد بداية غزوات اول ثلاثة ضحوا بدمهم عشان ربنا. اول ثلاثة قبلوا انهم يقفوا هزا الموقف الخطر عشان ربنا. بس بعد كده كل - 00:04:14

جهاد في الغزوات وكل الجهات في الفتوحات الاسلامية كان في لهزا الميزان. ليه؟ لان دول كانوا البداية حاجة عظيمة اوي. حاجة عظيمة اوي ان انت ربنا يستعملها ان المناطق الشعبية بعد ما باعتر كثير من اهلها عن الدين ان انت تبقى راس حربة للالتزام وللدعوة الى الله فيها. حاجة عظيمة اوي ان الشباب - 00:04:34

بعد مدوا ضهرهم لربنا ان انت ربنا يستعملك انك انت تبقى راس حربة. الدعوة تدخل وراك وانت اللي تسفلت طريق الدعوة للشباب. حاجة عظيمة اوي ان انت تشتغلي في الدعوة وسط المتبرجات. وسط البنات اللي كاشفين شعرهم. وتبقى انت اول واحدة تسفلتي الطريق للوصول لهؤلاء البنات اللي - 00:04:54

ما حدش عارف يوصل لهم. حاجة عظيمة اوي. ان انت تبقى عايش في طبقة غنية من الطبقات الغنية وربنا يستعملك انك تغير نظرتهم عن الدين وعن الاسلامية وتبقى سفلت طريق ما حدش عارف يسفلتة ووصلت لناس ما حدش عارف يوصل لهم. يقول لك فلان ده اول ضربة في المعركة كان هو السبب - 00:05:14

فيها. فكل الثواب بتاع المعركة في ميزانه. حاجة عظيمة اوي. السبق يا جماعة. حاجة جميلة قوي. انه ربنا يستعملك انك انت تسفلت طريق الدعوة ما حدش قدر يمشي فيه قبل كده. وما حدش عرف يسفلتة قبل كده. وكل يعني احنا دلوقتي شغالين في الفنوات الفضائية. وشغالين في المساجد - 00:05:36

يا ترى من خمسين سنة الدعاء كانوا بيستحملوا قد ايه؟ النهاردة المسجد يتصل بك ويقول معلش عشان خاطرنا عشان خاطرنا تعال دي خطبة قبل ما يبقى المساجد دي موجودة اللي استحملوا ونزلوا في قرية قرية ونفع نفع وقعدوا يقنعوا الناس انهم بيبنوا مساجد وان - 00:05:56

تجد تبقى على السنة والقرية دي تستقبلهم والقرية دي تطردهم والقرية دي تسخر منهم. احنا الوقت يا جماعة بنقفات على فتوحات غيرنا هو اللي سفلت الطريق فيها يا ترى اللي هيجي ورانا احنا هنبقى سبقنا وسفلتنا له طريق حاجة عظيمة اوي ان انت تبقى صادق. انك انت تبقى في المقدمة ويبقى كل - 00:06:16

ملتزمين والملتزمات داخلين في الطريق ده اللي ربنا فتحه على ايديك انت. او اللي ربنا فتحه على ايديك انت. عشان كده هنشوف دول ربنا يديهم في الجنة ايه يحلون فيها من اساور من ذهب. يحلون من الحلبي. والحلبي اصلا من الحلاوة. الحاجة الحلاوة. الحاجة اللي بتحلي. الحاجة اللي تحلي الشيء في عينين الواحد - 00:06:36

يا هنيس يحلون فيها يا رب انت بتديهم ده ليه؟ دونا عن اهل الجنة. انت بنعهم بالنعم ده ليه؟ عشان ربنا زي ما كانوا مميزين في

ربنا يميّزهم عن اهل الجنة كلهم في الجنة. يبقى لهم تميّز و لهم نعيم متميّز عن اهل الجنة كلهم. تعالوا بقى يا جماعة يعني واحدنا بنتكلم عن اه اه هذه الايات نفهم الاول الايات ديت نازلة فين ؟ الايات دي عبارة عن - 00:07:06

ايات بتوصف عذاب التلاتة اللي بدأوا المبارزة مع المسلمين وبتوصف نعيم التلاتة من المسلمين اللي بدأوا المبارزة مع المشركين. دول هذان خصمان اختصموا في ربهم. اتنين حصل بينهم خصومة. يعني ايه حصل بينهم خصومة ؟ الاتنين واقفين في وش بعض. طب ده حصل امتنى يا جماعة ؟ على - 00:07:22

يعني حاجة من اتنين. يا اما الخصومة دي حصلت في الدنيا يبقى المقصود بها ساعة المبارزة وساعة الشجار اللي حصل بين المسلمين المشركين عشان دعوة ربنا يا اما ده موقف هيحصل ساعة العرض على الله. زي ما علي ابن ابي طالب قال كده انا اول من يجفو للخصومة - 00:07:42

بين يدي الله. ليه ؟ لان واحد من التلاتة اللي الايات دي بنتكلم عنهم. يبقى الموقف ده بيحصل في الدنيا يا حصل في الدنيا يا يحصل ساعة العرض على الله. طيب ايه الفرق بين الاتنين - 00:08:02

هذان خصمان. يعني ايه خصمان ؟ يعني ايه خصم ؟ لما يقول لك المحل الفلاني عامل خصم على السلعة. يعني ايه عامل خصم على السلع ؟ يعني منزل تمنها. يبقى الخصم القيمة. يبقى خصمان اهل الدين بيخاصموا الحق ليه ؟ عايزين يقللوا قيمة الدين. عايزين يقولوا للناس الدين مش بالأهمية اللي انت عايزين تعملوها له. عايزين يقولوا - 00:08:12

واهل الدين ما هماش بالقيمة اللي انت بت HBO هم بها ديت. عايزين يقولوا ان احنا مش محتاجين الدين في حياتنا. ممكن نعيش من غير الدين. زي ما الملحدين لما بيقولوا الانسان يقوم وحده. يعني انا مش محتاج الدين عشان ابقي سعيد. انا مش محتاج ربنا عشان اوصل للي انا عايزه والعياذ بالله. كلمات كفر فالمسلمين دخلوا في - 00:08:32

مع المشركين. فربنا بيقول لك هذان خصمان اختصموا في ربهم. يبقى يا اما الخصومة اللي حصلت بين المسلمين والمشركين في الدنيا عشان آآ دين ربنا يا اما يوم القيمة ربنا يجيب دول ويجيب دول ويقفوا قدام بعض. والاتنين يختصموا امام الله سبحانه وتعالى ثم يحكم الله على - 00:08:52

الكافر بالنار اللي موجودة في الايات و يحكم الله للمؤمنين بالجنة اللي موجودة في الايات. طب هذان يعني ايه هذان ؟ هذا ده اسلم واقول لك هذا القلم. يبقى فهذا القلم ملموس محسوس مرئي. هذا ده اسم اشارة للحاجة اللي انا شايفها بعيني. و ملامسها بابدي. طب هذان خصمان يا رب لو الكلام ده - 00:09:12

يوم القيمة الخصومة دي يوم القيمة. انا مش شايفهم يا رب. ولا حاسسهم. انا لست في الدنيا. وعلى القول الثاني لو الخصومة دي ساعة ما اقتتلوا في بدر. والمشركين انتقلوا واترموا في - 00:09:32

انا مش شايف المشركين وهم بيقطّع لهم سباب من نار يا رب. انا مش شايف يا رب المنزد ده يبقى ليه يا رب عترت عن الغيب بلفظ هذا ؟ اللي قال اسم - 00:09:42

الاشارة الذي يدل على الملموس المحسوس المرئي القريب كأن المعنى لازم تبقو عندكم يقين بالآخرة. لازم تشوّف مشهد وقوف الحق الباطل بين ايدين ربنا يوم القيمة رأي عين. لازم تشوّف بقلبك اللي ربنا هي عمله في اهل الباطل اول ما يموتوا. لازم يبقى عندنا يقين يا جماعة - 00:09:52

لازم يبقى عندنا يقين وهذان يعني يعني انت متخيلين منظر صراع الحق والباطل جوة قلوبكم. لازم تعيشوا مع معاني صراع الحق والباطل لازم يبقى عندكم يقين راسخ في عاقبة الباطل. وفي عاقبة الحق. هذان خصمان اختصموا. اختصموا. يعني ايه ؟ انا ما كانوش متخاصمين قبل كده. زي ما النبي عليه الصلاة والسلام - 00:10:12

قال له ورقة ابن نوفل او مخرجيه لما قال له ليتنى اكون فيها جذعا. اذ يخرجك قومك. قال له اهو مخرجى هم. عمي ابو لهب هيخرجنا هيطردنا انا. النبي مش متخيّل عليه الصلاة والسلام. اختصمه يعني دخلوا في خصومة وكانوا حباب قبل كده. ليه في

مستعدية انك تدخلني في خصومة عشان ربنا. مستعد انك تستحمل المشاكل عشان ربنا. فيه ناس تقول لك يا عم خلينا جنب الحيط. يا عم خلينا ماشيين جوة الحيط. يا عم ما لكش دعوة - 00:10:52

المشاكل وما لكش دعوة بالقلق. والباب اللي يجي لك منه الريح سد واستريح. طب لو عشان ربنا مستعددين نستحمل المشاكل. عشان ربنا مستعددين ندخل في خصومة مع مستعددين ندخل في خصومة مع بتوع التوك شو. مستعددين ندخل في خصومة مع الملحدين. مستعددين ندخل في خصومة مع المغيرين لشرع الله - 00:11:02

الدليل لشرع الله والمحاربين للدعوة الى الله هذان خصمان اختصموا في ربهم. كانت النتيجة ايه؟ سواء اللي اتقنلوا اول ما اترموا في القليب في بدر. او المشهد ده حصل فورا وهم بيترموا - 00:11:22

من الدار للنار على طول. يا اما يوم القيمة المشهد ده يحصل لما يختصموا بين ايدين ربنا في العرض على الله. الملك يأمر بالكافار فالذين كفروا ست عقوبات اشد ايات عن جهنم في القرآن كله. اطول شوط عن جهنم في القرآن هو خواتيم الانبياء. ولكن - 00:11:36

شد شوط عن جهنم في القرآن كله وهذه الايات في سورة الحج ست عقوبات انتقامية مروعة. كل عقوبة منها تكفي لان تزلزل القلب. تكفي لان يقشعر البدن وكل ذرة في البدن - 00:11:56

واحد قطعت لهم ثياب من نار. الله اكبر مشهد لم يتكرر هزا الوصف في القرآن كله يا جماعة. ان ابو جهل بيقع قتيل في المعركة والملائكة قاعدة تقطع من جهنم ثياب على مقاسه تلزق على جسمه ويفضل حاسس بالنار وبجهنم والعياذ بالله والنار ملتصقة - 00:12:11

جسمه وسياب من نار. يا رب ده في عز الصيف ما فيش حد يستحمل صيام من صوف. او سياب من آآ من لبس تقيل او سياب من خيش. سياب من نار يا رب - 00:12:31

ثياب من نار ازاي الايام اللي احنا فيها ديت الايام الحر القاتلة اللي كلنا حاسين بها هزه الايام. انا قاعد في الوقت وانا بصور يا جماعة جنبي تكيف ثلاثة حصان - 00:12:41

لكن متقل مش قادر استحمل الحر. مش قادر استحمل. طب تخيل انسان لأ مش لسة ما اتعبيش في جهنم. ده لابس جهنم. جهنم ومتفصلة على جسمه والعياذ بالله. واحد قطعت لهم ثياب من نار. وربنا يقول قطع. قطع ده فعل ماضي - 00:12:51

طب يا رب ده لسة هيقطع لهم. يبقى يا اما المعنى ان اول ما وقعم وهم قتلوا قبل ما يترموا في القليب. الملائكة قامت ملياهم لبس السجن على طول وقامت رمياهم في زنازين جهنم مباشرة. يعني ايه يا اخوانا؟ يعني عذاب القبر درجات يا جماعة. اول درجة من عذاب القبر واحف درجة ان يبشر - 00:13:10

العصي بالنار ثم ينام الى يوم القيمة. يبشر بالنار عشان كده بييجوا في الآخر يقولوا يا ويلنا من بعثنا من مرقدنا. ليه كانوا نايمين؟ بشروا بالنار ثم ناموا. فاستيقظوا على يوم القيمة. الدرجة الاعلى والعياذ بالله ان يصبح قبره حفرة من حفر النار - 00:13:30

تولع عليه قبره نار ويضيق عليه قبره والعياذ بالله يبقى قبره تابوت من جمر الى يوم القيمة. الدرجة الثالثة ان يدخل جهنم حتى يوم القيمة. يعني ايه ؟ يعني مش يتعدب في القبر يترمي في جهنم. زي دول كده على جهنم على طول من الدار للنار. على جهنم على طول والعياذ بالله. يبقى ده - 00:13:50

ونعيم القبر كذلك تلات درجات. الدرجة الاولى ان يبشر الطائع بالجنة ثم ينام نومة العروس. ويفسح له في قبره سبعون ذراعا عم بس سبعين ذراع بس. ده ده الدرجة الاولى. الدرجة الاعلى ان يصبح قبره روضة من رياض الجنة و يأتيه الرفيق الصالح. وتلحق - 00:14:10

روحوا بارواح الصالحين من اهل زمانه ويتنعم في القبر الى يوم القيمة. الدرجة الثالثة ان يلحق بالجنة. قيل ادخل الجنة قال يا ليت قومي يعلمون. يبقى الدرجة الثالثة انه النعم في الجنة اصلا. ما يتنعمش في القبر حتى يدخل الجنة لحد يوم القيمة. ثم يلحق بيوم

القيامة سم يدخل - 00:14:30

الجنة مرة اخرى يعني ايه؟ يعني قضية كبيرة قوي يا جماعة ان نعيم القبر درجات وعذاب القبر درجات. فقطعت هنا لو بفعل الماضي يبقى الناس دي اول ما وقعت قتلى في بدر الملايكة كانت فورا. فورا وقطعت قطع فعل على وزن فعل. وصيغة فعلها المشددة بتفيـد -

00:14:50

حاجات تفـيد التكرار وتفـيد الشدة وتفـيد السرعة. يعني قطعت لهم ثيابهم من نار وهم لـسـه بيـقـعوا على الجـسـة المـلاـيـكـة بتـقطـعـ الصـوتـ بـتـاعـ جـهـنـمـ وـتفـيدـ الشـدـةـ الثـيـابـ ضـيـقـةـ جـداـ وـلـازـقـةـ عـلـىـ اـجـسـادـهـمـ تـامـاـ اـنـسـانـ الجـحـيمـ مـلـتصـقـ بـجـلـدـهـ وـالـعـيـازـ بـالـلـهـ. وـتفـيدـ السـرـعـةـ -

00:15:10

وـتفـيدـ التـكـرـارـ انـ يـعـنـيـ دـهـ اـحـنـاـ لـنـاـ عـنـدـكـمـ لـنـاـ مـوـدـيـلـاتـ كـتـيرـ. عـنـدـنـاـ لـكـمـ مـوـدـيـلـاتـ كـتـيرـ. دـهـ اـنـتـمـ هـتـلـبـسـوـاـ لـبـسـ كـلـ وـاـحـدـ مـتـفـصـلـ عـلـىـ مـقـاـسـهـ بـالـزـبـطـ وـاـحـدـ قـطـعـتـ لـهـمـ ثـيـابـ مـنـ نـارـ. اـتـيـنـ يـصـبـ مـنـ فـوـقـ رـؤـوـسـهـمـ الـحـمـيمـ. تـلـاتـةـ -

00:15:32

يـصـهـرـ بـهـ مـاـ فـيـ بـطـوـنـهـمـ وـالـجـلـودـ. اـرـبـعـةـ وـلـهـ مـقـامـعـ مـنـ حـدـيدـ. خـمـسـةـ كـلـمـاـ اـرـادـواـ اـنـ يـخـرـجـواـ مـنـ غـمـ. عـارـفـيـنـ مـعـنـىـ الـغـمـ اـيـهـ يـاـ جـمـاعـةـ؟ دـعـمـ الـقـدـرـةـ عـلـىـ التـنـفـسـ. وـالـعـيـازـ بـالـلـهـ -

00:15:52

اـدـيـ قـمـةـ الـاـخـتـنـاقـ جـوـةـ زـنـازـيـنـ جـهـنـمـ كـلـمـاـ اـرـادـواـ اـنـ نـتـكـلـمـ الـوقـتـ هـوـ رـبـنـاـ عـمـلـ فـيـهـمـ كـدـهـ لـيـهـ؟ هـنـتـكـلـمـ الـوقـتـيـ عـنـ الـجـزـاءـ الـلـيـ مـنـ جـنـسـ

00:16:12

الـعـلـمـ. النـاسـ دـيـ حـبـسـتـ الـمـؤـمـنـيـنـ فـيـ الدـنـيـاـ. وـعـذـبـتـ الـمـؤـمـنـيـنـ فـيـ السـجـونـ فـيـ الدـنـيـاـ -

00:16:25

وـحـبـسـتـ الـدـعـوـةـ وـمـنـعـتـ الـدـعـوـةـ وـحـسـرـتـ الـدـعـوـةـ فـيـ الدـنـيـاـ. فـيـ حـبـسـوـاـ كـمـاـ حـبـسـوـاـ الـدـعـوـةـ. وـيـحـبـسـوـاـ كـمـاـ حـبـسـوـاـ الـدـعـاءـ. خـمـسـ كـلـمـاـ

00:16:45

ارـادـواـ اـنـ يـخـرـجـواـ مـنـ غـمـ اـعـيـدـواـ فـيـهـاـ. سـتـةـ وـذـوقـواـ عـذـابـ الـحـرـيقـ -

سـتـ اـصـنـافـ مـنـ الـعـذـابـ دـيـ قـصـةـ يـاـ جـمـاعـةـ. يـعـنـيـ الـمـوـضـوـعـ دـهـ مـشـ اـصـنـافـ مـنـفـصـلـةـ دـهـ هـيـ الـقـصـةـ. دـهـ هـوـ وـهـوـ لـسـهـ بـيـقـعـ يـمـوـتـ. هـاـ

الـمـلاـيـكـةـ تـقـوـمـ اـيـهـ قـالـوـاـ صـيـامـ بـالـنـارـ عـلـىـ طـوـلـ طـبـعـاـ قـالـوـاـ لـوـ الـمـعـنـىـ بـقـىـ اـنـ هـمـ سـاعـةـ الـعـرـضـ عـلـىـ اللـهـ الـكـلـامـ دـهـ. هـاـ يـبـقـيـ اـوـلـ مـاـ رـبـنـاـ

00:16:45

يـحـكـمـ عـلـيـهـ بـالـنـارـ الـمـلـاـيـكـةـ الـقـوـةـ الـتـنـفـيـزـيـةـ الـلـيـ وـاقـفـةـ تـقـطـعـ لـهـ -

00:17:05

سـيـبـ مـنـ جـهـنـمـ وـتـقـوـمـ مـلـبـسـاهـ. وـهـوـ لـسـهـ وـاقـفـ مـنـ عـيـنـ رـبـنـاـ تـلـبـسـهـ لـبـسـ الـزـنـزـانـةـ. لـبـسـ السـجـنـ وـبـعـدـ كـدـهـ تـرـمـيـهـ فـيـ جـهـنـمـ. يـصـبـ مـنـ

فـوـقـ رـؤـوـسـهـمـ وـالـحـمـيرـ اـوـلـ حـاجـةـ بـقـىـ بـيـدـاـ الصـبـ دـهـ اـنـ صـبـبـاـ الـمـاءـ صـبـاـ مـلـاـيـنـ الـكـيـلـوـمـتـرـاتـ الـمـكـعـبـةـ مـنـ الـاـمـطـارـ قـاـعـدـةـ تـنـزـلـ عـلـىـ

00:17:25

الـكـرـةـ الـاـرـضـيـةـ فـالـصـبـ دـهـ مـعـنـاهـاـ -

00:17:45

فـيـ قـيـدـ فـيـ كـلـ زـرـةـ فـيـ جـسـمـ يـصـبـ مـنـ فـوـقـ رـؤـوـسـهـمـ الـحـمـيمـ. الـحـمـيمـ دـهـ مـنـ الـحـمـمـ الـبـرـكـانـيـةـ. تـخـيـلـ حـمـمـ جـهـنـمـ بـقـىـ شـكـلـاـ اـيـهـ؟

يـصـهـرـ فـيـ يـوـمـ الـحـمـيمـ يـنـزـلـ وـالـعـيـازـ بـالـلـهـ. يـصـهـرـ الـبـطـوـنـ كـلـهـاـ -

يـسـهـرـ الـبـطـوـنـ كـلـهـاـ لـيـهـ؟ هـنـتـكـلـمـ الـوـقـتـيـ يـاـ جـمـاعـةـ لـيـهـ؟ اـهـ هـنـتـكـلـمـ الـوـقـتـيـ لـيـهـ؟ يـصـهـرـ الـبـطـوـنـ كـلـهـاـ وـيـسـهـرـ وـيـسـرـيـهـاـ لـاـ فـيـ بـطـوـنـهـ

وـالـجـلـودـ كـمـانـ. خـدـواـ بـالـكـمـ النـاسـ دـيـ كـانـتـ بـتـحـبـسـ الـمـؤـمـنـيـنـ. وـتـقـعـدـ تـاـكـلـ كـبـابـ وـتـقـعـدـ تـاـكـلـ فـرـاـخـ مـشـوـيـةـ. وـتـقـعـدـ تـسـمـتـعـ -

00:18:01

الـبـطـوـنـ الـلـيـ كـانـتـ بـتـتـمـلـىـ وـالـمـؤـمـنـيـنـ بـيـعـذـبـ آـلـىـ اـيـدـ الـزـلـمـةـ ، الـبـطـوـنـ دـيـ هـتـتـصـهـرـ مـنـ حـمـيمـ جـهـنـمـ. بـعـدـ كـدـهـ بـتـتـمـلـىـ بـالـحـاجـةـ السـاقـعـةـ

وـبـالـكـافـيـارـ وـبـالـاسـتـاـكـوـزـاـ هـتـتـصـهـرـ حـمـيمـ. وـالـجـلـودـ الـجـلـودـ دـوـلـ الـجـلـودـ دـهـ عـارـفـ يـقـولـ لـكـ فـلـانـ تـجـلـدـ يـاـ جـلـ اـهـ الـبـاطـلـ -

00:18:21

فـيـ حـرـبـ الـحـقـ نـذـوـجـلـتـ. كـتـ ذـوـ جـلـ. تـعـالـوـاـ شـوـفـوـاـ بـقـىـ صـهـرـ مـاـ فـيـ بـطـوـنـهـمـ وـالـجـلـودـ. فـيـ قـوـمـ النـارـ تـجـتـمـعـ عـلـيـهـمـ. مـنـ بـرـةـ ثـيـابـ مـاـ

مـوـلـعـيـنـ -

00:18:41

وـاقـعـةـ حـرـيقـةـ عـلـىـ الـمـلـتـزـمـيـنـ مـنـ الـدـاـخـلـ وـالـخـارـجـ. زـيـ مـاـ كـانـوـاـ عـاـيـزـيـنـ يـوـلـعـوـهـاـ نـارـ عـلـىـ الـمـلـتـزـمـيـنـ. مـنـ بـرـةـ تـهـدـيـدـاتـ وـمـنـ جـوـةـ الـبـيـوـتـ

طولهم من النت والموقع الاباحية ومن قنوات الكليبات الفاسدة عشان يدمروا دينهم ويدمروا دين اهلهم عشان يخلوا واقع حرية

00:19:01

عليهم هم كمان بقت نار من برة ومن جوة. ولهن مقامع من حديد. ازاي لما لبسوا لبس السجن سجون جهنم والعياذ بالله. واترمو في الزنازين واتعزبوا بالحيم في الزنازين. بدأ بقى عايزين يهربوا في مقامع مقامع من - 00:19:21

قمع زي ما كانوا بيقمعوا الدعوة. وبيقمعوا اللي بيقولوا كلمة الحق. هم بقى اللي بيقمعوا النهاردة ولهن مقامع ومن حديد من نار. سياط من حديد جهنم والعياذ بالله. يضربوا بها زي ما كانوا بيضربوا بالسياط. زي ما كانوا بيضربوا بالكرابيك. زي ما كانوا - 00:19:37

بالصياد في الدنيا يضربوا بالسياط. جزء من جنس العمل يا اخواننا. عشان كده سعيد بن جبیر لما دخل على الحجاج بن يوسف الثقفي. فالحجاج بن يوسف فيبيقول له اختر لنفسك قتلى يا سعيد. قال بل اختر لنفسك انت. فوالله لا تقتلني قتل الا قتلك الله مثلها في - 00:19:57

جهنم اختر لنفسك ما فيش وسيلة تعزيب اهل الباطل عزيروا بها اهل الحق الا وربنا عاين لاهل الباطل زيهما في جهنم بالله. لما ارادوا ان يخرجوا منها من غم اعيدوا فيها كلما صيغة استمرار يا جماعة. كلما ارادوا الارادة كلما اجتمعت ارادتنا - 00:20:17

النوبة لازم يخرجوا من جهنم لازم يهربوا من هزا السجن الرهيب. كلما ارادوا ان يخرجوا منها من غم مش قادرين مش قادرین ياخدوا نفسهم في جهنم والعياذ بالله تخيل هذا النوع الرهيب من العذاب كلما ارادوا ان يخرجوا منها من غم اعيدوا فيها. يعني الملايكة ممکن تسبيبهم احيانا - 00:20:37

اضربوا من الزناة ويبدوا يهربوا من ايه من اماكن العذاب في جهنم لحد ما يقربوا انهم يخرجوا من شفير جهنم وهم فاکرین انهم هربوا ان ما حدش واحد بالله منهم. وفاکرین ان هم افتقوا من عذاب الله وهم جاين يهربوا اعیدوا فيها. دي بیسموها ایه يا جماعة؟ بیسموها عذاب - 00:20:57

تیئیس يعني ایه عذاب التیئیس؟ يعني ممکن ما یعرفوش یهربوا اصلا ییجوا یهربوا من الزناة یتقبض عليهم ویدخلوا تانی. انما انهم یتسابوا لحد ما یقربوا من شفير جهنم وبعد كده - 00:21:17

کده یرجعوا تانی اسمه عذاب التیئیس زي قول الله سبحانه وتعالی فذوقوا فلن نزيدکم الا عذابا. ليه؟ لابثین فيها اعقابا سورة النبأ يعني اتحکم عليه بمیت سنة جهنم. فالمية سنة جاين یخلصوا. یجي بقی یفرح بقی هخرج لن نزيدکم الا عذابا. یجدد الحبس میت سنة - 00:21:27

تمام في الدنيا كان ممکن ایه اربعین يوم على زمة التحقيق. بعد کده یجدد. فیبیقی اسلوب نفسي في تیئیس المتهمن من ان هو یخرج كذلك هنا اسلوب نفسي في التیئیس زي قول الله کلما خبت بدأ النار یحسوا انها تضعف زناهم سعیرا. بقی ده اسمه عذاب - 00:21:47

تقیس ان یتوهم انه یقدر ینجو ثم زناهم سعرا. زي قول الله سبحانه وتعالی وان یستغیتوا یغاثوا. الاغاثة اھی بماء ضیقت کالمهل یشوي الوجه زي الزيت المغلی یشوي الوجه. بقی ده اسمه عذاب التیئیس. يعني ایه عذاب التیئیس - 00:22:07

يعني عذاب الاصابة بالیأس من خالل انه یظن ان هو خلاص فيه امل ثم ینعدم هذا الامل والعياذ بالله. كلما ارادوا ان یخرجوا منها من غم فيها وذوقوا عذاب الحریق بعد ما یترموا بقی في الزناة تانی یتقال لهم لن تخلصوا من هذا العذاب والعياذ بالله زي ما کنتم بتولعوا - 00:22:27

الدعوة وتحولوا حیاة الناس لحریقة من الشهوات. والشبهات ذوقوا عذاب الحریق. فده فيه اسلوب مهانة وفيه اسلوب قهر والعياذ بالله. يعني زي ما قلت لكم يا جماعة دي يعني اشد ایات عن جهنم في القرآن کله. طب ليه؟ ليه؟ ليه هذا العذاب الانتقام الرهیب؟

بسیب اللي عملوه في الدين واللي عملوه في الدعوة. بسبب انهم حاصروا اهل - 00:22:50

دين وحصر الدعوة ومنعوا الدعوة وحبسو اهل الدين واهل الایمان. فالنتیجة قطعت لهم قطعت لهم ثیاب من نار قطعت لهم لهم على

مقاسهم على قدهم كل واحد له المقاس بتاعه. والموديل بتاعه. ثياب ثياب لازقة في الجسم اربعة وعشرين ساعة. ينامون -

00:23:14

بها ويستيقظون بها من نار والعياذ بالله ما هياش من آآ يعني من صوف ولا يعني يصب من فوق رؤوسهم الحميم يصب بفعل مضارع والفعل المضارع لما بييجي في اللغة بيغيد حاجة من اتنين. يا بيغيد التجدد والاستمرار انه يصاب. وبعد شوية يصاب تاني. وبعد شوية يصاب بتالت. يا اما يغيد تصور - 00:23:34

مشهد يعني لأن الآيات بتقول لك بص شف اللي كانوا بيعزبوا المؤمنين اتفرجوا عليهم كده اتفرجي عليهم كده وهم قاعدين يتعزبوا بنفس الات التعذيب اللي كانوا بيعزبوا بها المؤمنين وقعد يتصاب بالحميم عليهم شوفم كانوا بيعملوا ايه وشوفوا الوقتي بيتعمل فيهم ايه. شوفوا لقدرة الله على الانتقام. شف - 00:23:54

العدل لله في الجزاء من جنس العمل. يصب من فوق رؤوسهم الحميم يصهر بهما في بطونهم والجلود. لأن منظر برضه مضاد منزد السهر لما في بطونهم اللي كانوا بيأكلوا فيها ويتلذزوا واهل الدين محاربين ومغضطهدين ومعذبين والجلود - 00:24:14

ولهم مقام من حديد كانوا بيتهموا الدين بالقمع. كانوا بيتهموا الشريعة بالقمع. كانوا بيتهموا الدين بالشدة والتشدد. النهاردة لهم مقام او من حديد والعياذ بالله سياط من نار. كلما ارادوا ان يخرجوا منها من غم اعیدوا فيها وذوقوا عذابا. الحريق تخيلوا يا جماعة ان -

00:24:34

اللي احنا قلناها ديت لها حالة من الاتنين. يا اما دي حصلت فور ما سقطوا في القليب بتاع بدر. بدأ على طول العذاب فورا من الدار للنار بدأ عذاب القبر بهذا المنزد يا اما ده يوم القيمة لما يوقف ويعرضه على الله ويبيجي عقبة ابن ربيعة وشيبة ابن ربيعة والوليد ابن العقبة قصاد حمزة ابن عبدالمطلب - 00:24:54

طالب وعلي بن ابي طالب وعبيدة ابن الحارث ويقف ويختصم بين يدي الله ويحكم الله على الكفار بجهنم فتنفذ الملائكة فيهم هذا الكلام اسناء العرض على الله سبحانه وتعالى يعني حاجة آآ آآ حاجة صعبة اوي - 00:25:14

حاجة فزيعة اوي يا جماعة. ان دي عاقبة الناس اللي حاربوا الدين. الناس اللي حاربوا الاسلام. الناس اللي منعوا الدعوة. الناس اللي حاربوا اهل الدين. ان ربنا بيغار على دينه وبيغار على اولياوه حاجة غريبة اوي ان ان العزاب دهو لله كانوا في اول صفحتين في سورة الحج عاملين يا ما هنا يا ما - 00:25:29

هناك وقاعدین يجادلوا في الله بغير علم ولا هدى ولا كتاب منير. وبعد كده اهل الطاعة بقى ربنا في العرض على الله يحكم لاهل الطاعة بقى. الناس صادقين يا اخواننا هنخرج من هنا باصل خطير من اصول الوصول الى الله. وهو كن اسبق الناس الى الله. كن كوني اسبق الخلق الى الله - 00:25:49

ثواب السبق ثواب عظيم اوي يا جماعة. ثواب ان الانسان يسبق الى الله. ثواب ان الانسان يبقى من الصادقين. انك تبقي سابقة كل الاخوات. في النقاب الان تلت تربع المنتقبات خالعين الجوانبي نص آآ وشهم باين ومصدقة نفسها منتقبة تبقي سابقة في حجاب امهات المؤمنين تبقي - 00:26:09

سابقة في الدعوة الى الله تبقي صادق في نصرة دين الله تبقي صادق في كلمة الحق في وجه الظالمين في الوقت اللي ما حدش عايز ينزل يكلم الشباب تنزل انت واتكلمهم في الوقت اللي ما حدش عايز يرتبط ببيت اليمان ترتبط انت ببيئة اليمان. في الوقت اللي ما حدش عايز يقول كلمة الحق في وجه الظالمين. تجهر انت بكلمة - 00:26:29

الحق في وجه الظالمين. نبقى صادقين يا جماعة. نبقى ربنا يستعملنا في مقدمة قاطرة اهل الحق. قضية كبيرة قوي زي ما قلت لكم قلت لكم من اصول الوصول الى الله برضه في هذه الآيات يعني كن مستعدا ان تفعل اي شيء لاجل الله. هذان خصمان اختصموا في ربهم. عشان ربنا خصمهم الناس. عشان - 00:26:49

ربنا ضحوا بدمهم عشان كون مستعدا لان تفعل اي شيء لاجل الله سبحانه وتعالى كن مستعد ان اي حاجة تعملها عشان ربنا من اصول الوصول الى الله في الآيات في الآية اللي جاية بقى ان الله يدخل الذين امنوا وعملوا الصالحات جنات تجري من - 00:27:09

تحتها الانهار ان ان دي تفيد ايه ؟ التوكيد. ليه ؟ اليقين. كأن الله يؤكده. خدوا بالكم في الشوط الثاني خدنا نفس الاية. في اية اربعناشر ان الله يدخل امنوا وعملوا الصالحات جنات تجري من تحتها الانهار. ان الله يفعل ما يريد. نفس الاية مكررة هنا. بس النص الثاني هو اللي مختلف. نفس الاية - 00:27:29

فان يبقى خليك موقن يبقى من اصول الوصول الى الله. اليقين بثمار الطريق. اليقين بثمار عطاءات الله للسائلين في الطريق. والا مش هنقدر نصبر يا جماعة عشان كده الطريق احياناً يبقى صعب جداً. واهل الباطل تلقيهم منتشفين واقوياً ومسطرين واهل الحق تلقيهم ضعفاء. المرحلة دي اللي ربنا قال عنها - 00:27:49

حتى اذا استيأس الرسل خلاص ما حدش قادر يشيل دين ولا حد راضي يشيل دين. بيوصل النبي ما حدش هيشيل يا رب. ما حدش راضي يشيل يا رب. في اللحظة - 00:28:15

اللحظة دي بيجي نصر لربنا سبحانه وتعالى. ان يبقى من اصول الوصول الى الله اليقين في ثمار الطريق. اليقين في عاقبة الطريق. اليقين زي قول الله هذان خصمان. هذان يا رب انا لست ما شفتش منزراً ودا داخل الجنة ودا خارج داخل النار. يا رب ما شفتش انت يا رب جايب لي جايب لفظ يدل على - 00:28:25

الملموس ليه ؟ يجب ان ترى بقلبك عين اليقين من الان زي ما ربنا بيقول اخر سورة قاف واستمع يوم ينادي المنادي من مكان قريب. استمع يا رب استمع ده انا في الدنيا يا رب هسمع ازاي صوت يوم القيمة وصوت نفخة الصعق ونفخةبعث. اسمع بقلبك اوصل اليقين - 00:28:45

اللي تسمع به كانك انت سمع يوم القيمة. اسمع من الوقت وشف من الوقتي عشان ما تتصدمش باللي هتسمعه وتشوفه يوم القيمة. القرآن يوصلك اليقين. القرآن ينمي اليقين في قلبك لحد ما يخليك ماشية على الارض. ولو تهتك الحجب ورأيت الجنة ورأيت النار ما زدت يقيناً. ليه - 00:29:05

لان القرآن بيزرع في قلبك اليقين الراسخ. نسأل الله اليقين والمعافاة. ان الله والتصريح بلفظ الجلالة هنا عشان فخامة العبارة جلال العبارة في صدور المؤمنين. ان الله يدخل الذين امنوا وعملوا الصالحات. طبعاً مين اللي امنوا وعملوا الصالحات هنا؟ خدوا بالكم - 00:29:25

يا شباب خدوا بالكم يا اخواني. الذين امنوا وعملوا الصالحات. في اية اربعناشر غير الذين امنوا وعملوا الصالحات في اية ثلاثة وعشرين. ازاي ؟ عايزه تعرفي بمعنى اليمان العمل الصالح هنا شوفي ايه اللي كان مطلوب. يعني في الشوط الثاني كان المطلوب الدعوة الى الله. كان المطلوب قوة الدعوة الى الله. يبقى اية اربعناشر اللي جت في - 00:29:45

الثاني ان الله يدخل الذين امنوا وعملوا الصالحات اجتهدوا في الدعوة الى الله واجتهدوا في الارتباط ببيئة اليمان زي ما شرحنا المرة اللي فاتت. المرة دي الموضوع تقديم دم المرة دي موضوع التضحية. يبقى ان الله يدخل الذين امنوا وعملوا الصالحات. الذين ضحوا بارواحهم وضحوا باعمارهم. وضحوا بكل شيء وكانوا - 00:30:05

اسبق الخلق الى الله. ولم يعزو شيئاً ان يقدموه في ذات الله. يبقى هم دول اللي احنا بنتكلم عنهم هنا هنلاحرز هنا ملاحرز غريبة جداً يا جماعة. ان الاية بتاعة الجنة عكس تماماً الایات بتاعة النار. ان كل اصناف العذاب اللي ربنا زكرها في الایات اللي فاتت - 00:30:25 هنا في نعيم الجنة. ان الله يدخل الذين امنوا وعملوا الصالحات ايه ؟ جنات. ها ؟ طب وفوق كانت ايه ؟ زنازين. فوق كانت ايه ؟ كانت كلما ارادوا ان يخرجوا منها من غم اعيدوا فيها. الزنازين بتاعة جهنم والتوابيت بتاعة جهنم. انما هنا جنات. السعة والفرحة والبهجة. تجري - 00:30:44

من تحتها الانهار ها عايزك تقولي بقى عكس ايه في ايات النار؟ اية عكس الحميم عكس يصب من فوق رؤوسين الحميم يبقى الانهار عكس الحميم هنا بقى قعد يستحم في انهار الجنة. والثاني بيستحم في حميم جهنم والعياذ بالله. يحلون فيها من اساور من ذهب ولؤلؤة عكس ايه ؟ مقامع من حديد - 00:31:04

هنا من قامة من حديد وهنا اساور من ذهب ولؤلؤة ها ولباسهم فيها حرير عكس ايه ها اية جميل جداً قطعت لهم ثياب من نار فعلاً.

يبقى بالظبط يا جماعة ايات الجنة. طب ان الله يدخل يدخل جت بالفعل المضارع ليه؟ لاستحضار المشهد. قلنا الفعل المضارع -

00:31:24

يفيد يا اما تكرار الحدس. طب هنا هو مش هيدخل الجنة كل شوية. هو دخل الجنة مرة وخلاص. اومال يبقى المعنى الثاني استحضار المشهد. مشهد التكريم ال�ائل العظيم وهو داخل الجنة وحفلات التكريم. طب اداني مشهد الاهانة المهولة. الاهانة المهولة -

00:31:44

وهم لسة داخلين النار وقاعدین يستقبلوا بالحريم ويستقبلوا بالمقامع ويستقبلوا والمهانة الرهيبة في قول الله وذوقوا عذاب الحريق الاهانة النفسية والقهر النفسي دوق اللي انت عملته انما هنا التكريم العظيم يدخل شف منظر التكريم المهول على ابواب الجنة يعني يا اخوانا -

00:32:04

القرآن ما فيش فيه حاجة كده. يعني شوفوا ايات النار وايات الجنة نسخة من بعض بس عكس عكاس. بسبب ايه؟ بسبب ان دول حاربوا مع الباطل ودول حاربوا مع الحق يعني القضية قضية احنا نستحمل ولا مش هنستحمل. هنستحمل الطريق ده ولا لأ ان اليقين الراسخ في ثمار هزا الطريق -

00:32:24

ان الله يدخل منزد بقى دخول المؤمنين بقى الجنة. اللحزة المرتقبة بقى لما ربنا يقول ادخلوها بسلام. خلاص ما عدش قلق ولا حزن ولا هم ولا اكتئاب ولا غم ولا خوف من الصراط ولا خوف من شفير جهنم ولا حساب على القنطرة ولا حساب في العرض على الله خلاص ان الله يدخل -

00:32:44

الذين امنوا وعملوا الصالحات. الصالحات الاعمال التي تصلح لان يقبلها الله. الاعمال التي تصلح يعني انا رايح اقدم هدية لواحد صاحبي غير انا رايح اقدم هدية لملك. الملك اقعد افكر ايه اللي ممكن الملك يقبله مني؟ مش اي هدية الملك بيقبلها. فمش اي عبادة ربنا -

00:33:04

اقبلاها يعني يقول لك لا تهدي آآآ الى الله عبد ميتا. يعني ايه؟ واحد قال لواحد هجيب لك ميتين هدية. وقام جايب له عبد ميت. يبقى قيمته ايه؟ كزلك واحد قال انا هاصل -

00:33:24

يا رب وبعد كده قاعد مش خاشع في الصلة كأنه يهدي الى الله عبد ميت. عبادة ميتة بلا خشوع ولا خضوع. يبقى قضية قضية الخشوع والخضوع وان الله يدخل الذين امنوا وعملوا ايه؟ الصالحات. الاعمال التي تصلح لان يقبلها ما للك الملك. سبحانه وتعالى. عشان كده ادخلني في الصالحين. يعني ايه الصالحين -

00:33:34

الذين يصلحون لجوار الله في الفردوس الاعلى. جنات كل جنة الوان غير الثانية. الدنيا سبع الوان. امال الجنة كم لون يا جماعة؟ الدنيا فيها عشرين مليون نوع كائن حي. امال الجنة ربنا خلق فيهاكم مليون نوع صنف من اصناف النعيم! تخيلوا كده الدنيا عجائب الدنيا السبعة. امال عجائب الجنة السبعة دي شكلها ايه -

00:33:54

انتم متخيلين معي يا جماعة؟ متخيلين الجنة دي شكلها ايه؟ جنات. كل جنة اشكال غير الثانية. الوان غير الثانية. عطور غير الثانية. تصاميم قصور غير الثانية انواع جمال وبهجة غير الثانية اصناف متع. غير الثانية جنة الصلة غير جنة الصيام غير جنة الصدقة غير جنة الجهاد. غير -

00:34:14

غير جنات نكرا للتعظيم تجري من تحتها الانهار. قصور الدنيا بيجري من تحتها مواشير الصرف الصحي. انما جنات الجنة بيجري من تحتها الانهار. منازر مهولة منازر ابداعية ما ينفعش اكلمك عن الساحل الشمالي من غير ما اكلمك عن البحر بتاع الساحل الشمالي. كزلك الجنة منازر الانهار الابداعية فيه. يحلون فيها من اساور -

00:34:34

من ذهب ولو لؤلؤة من بدائع الجملة ديت ان اساور جمع اسورة واسورة جمع سوار. فقال لك اساور جمع الجمع. يعني تنوع مهول في الموديلات. تنوع مهول في الاصناف والاشكال وده ايه؟ يحلون فيها من اساور من ذهب. يا جماعة مجوهرات الجنة دي مش اي حاجة. ازا كان ربنا وصف النساء قال كانهن الياقوت والمرجان -

00:34:58

ازا كان هي من غير حلي اصلاً كأنها شوية احجار كريمة. مجوهرات. اومال الحلي بتاعها بقى اللي المفروض يحليها اكتر. ويزود

الله يبتلي الناس بحسب إيمانهم. إنكم يا علماء المسلمين إنما تعلمون بحسب إيمانكم. إنكم يا علماء المسلمين إنما تعلمون بحسب إيمانكم. إنكم يا علماء المسلمين إنما تعلمون بحسب إيمانكم.

ان فيه في الجنة نعيم اسمه نعيم التجدد. نعيم المفاجآت دراما. يعني نعيم الروعة نعيم البهجة زي عينا يشرب بها عباد الله. يفجرونها تفجيرا زي قول الله يتنازعون فيها كأسا لا لغو - 00:36:03

ولا تأثيم زي قول الله امدادناهم بفاكهة ولحم مما يشتهون طب ماما يا رب عندهم فواكه لحوم لا ده كل شوية بيجي لهم مدد من الله اصناف غير موجودة في الجنة اصلا. اصناف جاية من عند الله خلقها الله ليست موجودة في الجنة اصلا. نعيم التجدد العظيم. يحلون 00:36:20 -

الاکا، والشوب، ما حابش - 00:36:40

جاب لك الحلي والحرير ليه ؟ لأن الناس دي اتحبست. اتحبست عشان الدين في الدنيا. لبسوا لبس السجن عشان الدين في الدنيا.
استحملوا البهدلة عشان الدين في الدنيا استحملوا العرق والحرق والحصار والضغط النفسي فربنا جايب هنا قمة اصناف النعيم ايه

رقم واحد ايه اصناف النعيم من الایة ديت؟ ها عد لي كده اصل الجنة مش شوية خضرة وماية. رقم واحد ايه؟ نعيم التجدد. صح؟
يحلون مضارع متجدد مستمر يبقى نعيم التجدد. طب والنعيم الثاني صح اللي مركز معنوي من ربعة ساعة الا نعيم التمييز. انه يحلون ده

من الحلي بتميزهم وتحليهم عن كل اهل الجنة. زي ما كانوا مميزين في الدنيا. طب والنعيم الثالث اللي في الایات؟ مزبوط. جزاكم الله خيرا نعيم الرفاهية هي الحرير والحلي نعيم الرفاهية. يا جماعة الجنة مش خضرة وماية بس يا جماعة. الجنة مش زي نادي الجزيرة

ونادي الجنة يا جماعة الجنة مش زي فندق سبع نجوم يا اخوانا. الجنة مش انتر كونتننتال ولا هيلتون. ولا شيراتون يا اخوانا الجنة مش منتجع سياحي جميل الجنة مش الساحل الشمالي يا جماعة. الجنة ده شيء كل الحاجات دي بالنسبة له لا شيء. يبقى دي اصناف

ساور من ذهب ولؤلؤة. اي اساور من ذهب واساور من لؤلؤ. ها ومن يعني اصناف لا حصر له. اختار انت بس. ولباسك فيها حرير. فيه هنا حرف غريب او يا جماعة ولكن لازم نقف معه - 00:38:20

جفات تجري من تحتها الانهار. يحلون ايه؟ فيها. فيها من اساور. ولباسهم فيها حرير فيها ايه تكرار كلمة فيها ده! ايه ده! انت عارف لما سافر امريكا مسلا فاقعد هناك خمس شهور بقى ايه في المكان بقى بتعادي او القرية الصغيرة جدا او النجع اللي انا عايش . - 00:38:35

فالناس مبهورة هو فقاعدین يقولوا لي يا امريكا دي شكلها ايه؟ يقولوا لي هو المواصلات في امريكا شكلها ايه؟ اقول لهم بقى المواصلات في امريكا شكلها كزا كزا. انما بقى اللبس في امريكا شكله كزا كزا. انما بقى اللبس النساء في امريكا فكلمة في امريكا -

في امريكا كان انا قاعد ابهرهم بقى. قاعد اطير لهم عقلهم من الابهار. فهنا يحلون فيها ولباسهم فيها. فيها فيها كأن الله اه يخطف قلبك خطفا ليعيش في الجنة. ويعيش مع معاني الجنة. المهولة. ايه ده يا اخواننا ده! كل ده عشان ايه؟ يعني كل ده عشان ايه -

اوه المعان، المھولة دے؟ ایه المعان، العظیمة دیت؟ کا، ده عشاں کانوا ساپقون، ف، الدب، ف، الدنیا، لیه ما تدقیق، م، الساپقون؟ لیه

ما تباقاش من السابقين؟ احسن منك في ايه؟ اللي اجتهدوا في طاعة ربنا احسن منك في ايه؟ اللي اجتهدوا في حجاب امهات المؤمنين والدعوة الى الله احسن منك في ايه؟ ليه نضيع النعيم ده هو كله - 00:39:35

وبعد كده الية اللي بتختم الشوط الثالث وهدوا الى الطيب من القول. عارفين يا جماعة الطيب من القول هو ايه؟ قول جميل جدا جدا القرآن بعد ما ربنا جاب البطولة المهولة دي والصدق المهول ده وbalبطولة الرهيبة اللي عملها - 00:39:55 هؤلاء الصحابة وجاب مقامات الجنة المهولة والنعيم العظيم ده. فربنا بيقول كل ده بسبب ايه؟ انهم هدوا الى القرآن في الدنيا. وهدوا الى الطيب من القول وربنا سمي القرآن الطيب. الطيب ده الحاج السمرة اللي طابت. وكل حاجة فيها بقت طيبة. وكل حاجة فيها بقت جميلة. وهدوا - 00:40:15

الى الطيب من القول وهدوا الى صراط الحميد. يبقى لما هدوا الى القرآن هدوا الى الصراط الحميد. هدوا الى صراط الله. هدوا الى طريق الله يبقى السبب في الهدایة الى طريق الله هو القرآن. يبقى على قد حظك من هدو الاولانية هيكون حزك من هدو الثانية وهدو الى الطيب من القول - 00:40:35

اولى القرآن وعودوا الى صلاة الحميد هدوا الى الطريق الموصل الى الله. على قد هدایتك للقرآن على قد هدایتك للطريق الى الله. وربنا سمي الطريق اليه صراط حميد اشمعنى الحبيب؟ لأن الحميد ديت زلمة حامد ذو النعم العظيمة المتتالية. وعلى فكرة يا جماعة كل النعمة اللي ربنا اداها لنا في الدنيا ديت ما تجيبيش - 00:40:55

واحد في المية من اسار اسم الله الحميد تسعه وتسعين في المية النعم الخاصة اللي ربنا اداها لاولياؤه. النعم الخاصة اللي ربنا افضها على قلوب وآآ يعني احوال اولياته. ربنا سبحانه وتعالى يا جماعة اللي ادالي مليارات العالم. اللي اداه لاغنى اغنياء العالم ما يجييش واحد في - 00:41:15

من اللي اداه للصالحين في الدنيا قبل الآخرة من اللي اداه للاولياء في الدنيا قبل الآخرة. ازاي هو العطاء فلوس بس؟ ما فييش عطاء سعادة ما فييش عطاء بركة. ما فييش عطاء سكينة. ما فييش عطاء فتح ومدد ونصرة وتقريب وولادة. ما فييش عطاء في القلوب وفي النفوس. وفي الجوارح ما فييش عطاء - 00:41:35

يا اخواني يبقى القرآن هو سبب في كل ما وصلوا اليه. ده اصل من اصول الوصول الى الله. انه لا وصول الى الله بدون القرآن. اقسم اليهابنابع الطاهرة الصافية اللي هو الطيب من القول. وابتعد عن المصادر المختلطة. يعني اللي هي مخلطة ما بين الحق وما بين الباطل - 00:41:55

نتربي على القرآن. كده الشوط الثالث خلص. الشوط الرابع يا جماعة يعني ان شاء الله بازن الله هيبقى الحلقة الجاية. وبازن الله سبحانه وتعالى هتبقى حلقة اه دسمة جدا ان ايات الحج هي الحلقة الجاية بقى. من اول ان الذين كفروا ويصدون عن سبيل الله والمسجد الحرام. وادبأنا لابراهيم مكان البيت. وهندخل بقى وادن - 00:42:15

في الناس بالحج هنتكلم عن وقفة هائلة مع عبادة الحج وال عمرة. ووقفة هائلة مع اهداف الحج وال عمرة تلت اهداف اولى هنعيش معها المرة الجاية. الهدف الاول وادن في الناس بالحج يأتوك. تعظيم نداء الله. يعني - 00:42:35 اللي بيروح يعمل عمرة ويحج لازم يرجع اول ما يسمع الاذان بيدين يسيب الدنيا ويجربي على نداء الله. اتنين ذلك ومن يعظم حرمته مات الله فهو خير له. تعظيم حرمات الله. تعظيم كلمة حرام يبقى المفروض اللي بيروح يعمل عمرة او يحج يرجع ما يقدرش - 00:42:55

الحرام ما يقدرش يدخل على موقع حرام. ما يقدرش يسمع حاجة حرام ما يعملش معصية سر. ما يبصش لحرام. ثلاثة ذلك. ومن يعظم شعائر الله فانها من تقوى القلوب. تعظيم الطاعات. تعظيم الطاعة المفروض اللي بيروح يعتمر او يحج يرجع يعظم القيام والصيام - 00:43:15

وجلسة الضحى والدعوة الى الله والذكر وطلب العلم والصدقات وصلة الرحم وبر الوالدين والاحسان للفقير وصنائع معروف يعني يا جماعة الحج ده بيربي على التلف وال عمرة بيربوا على تلات معاني باهرة. تعظيم نداء الله. تعظيم حرمات الله - 00:43:35

عظيم شعائر الله وطاعة الله. يعني المفروض اللي بيروح يعتمر او يحج ده بيرجع انسان حياته متغيرة. عشان كده من اصول الوصول الى الله الارتباط بالمسجد الحرام. الارتباط باعظم بيئة ايمان على وجه الارض. الارتباط بعبادة العمرة والحج اللي قلبه مش مشغوف وملهوف. على عبادة - 00:43:55

والحج يبقى مفتقد لركن من اركان الوصول الى الله. سبحانه وتعالى. للأسف ايران الدولة الشيعية عندهم وزارة كاملة اسمها وزارة العمرة. ليه عشان عايزين يودوا الشعب كله العمرة ليه؟ لأنهم فاهمين العمرة بتربى قد ايه. فاهمين العمرة بالزارات لو مع رجال دين بيفهموا الناس المعاني المهمولة اللي هناك. ممكن تغير - 00:44:15

الشعب دينيا قد ايه؟ احنا بقى اهل السنة مش قادرین ندرك هذا الموضوع. عشان كده ليه بنعمل عمرة التربية واحد واثنين وتلاتة؟ ان شاء الله بازن الله عمرة التربية اربعة - 00:44:36

في خلال بازن الله شهر شهرين بازن الله واقل من هزا كمان. ليه بنعمل عمرات الدعاة وعمرة تراجع لك يا رب؟ ليه بنعمل العمارات دي كلها؟ عشان نرسخ مبدأ ان من اصول الوصول الى الله عبادة العمرة والحج. اللي مش قادر يحج لازم يعتمر على قد ما يقدر. ليه؟ يتضلع من تعظيم نداء الله. تعظيم - 00:44:46

حرمات الله تعظيم شعائر الله او عبادات او طاعات الله. ديت سمار مهمولة هنتكلم بازن الله سبحانه وتعالى. المرة الجاية وهنقف وقفه خطيره جدا ان ربنا بيقول لسيدنا ابراهيم وطهر بيتي للطائفين والقائمين والركع السجود طهر بيتي. اعمل الاول بقية ايمان طاهرة - 00:45:06

اعمل الاول في اول بيئة ايمان وجدت على وجه الارض اللي هي المسجد الحرام. اعمل بقية ايمان طاهرة ثم واذن في الناس بالحج يعني ايه؟ قبل ما تنزلوا تشتلوا في الدعوة قبل ما تنزلوا تلفوا في البلاد اعملوا بقية ايمان تجيروا الناس عليها. يا اخواننا نحن في التيار السلفي للأسف منا - 00:45:26

يا ناس عاملة زي جحا لما كان آآ عامل ساقية بتجيئ من البحر وترجع البحر. فقالوا له يا جحا انت بتجيئ من البحر وترجع البحر. قال لهم يكفيوني نعرها احنا قاعدين نقول للناس ادخلوا ادخلوا اللالتزام. يدخلوا اللالتزام ما يلاقوش مية ايمان. ما يلاقوش صحبة. ما يلاقوش الدعاة وسطهم وعايشين وسطهم. يقروا يخرجوا من الباب الثاني وينتكسوا - 00:45:44

فرحانين ان الناس بتدخل من باب الجامع كتير. ومش باصين ان نفس العدد قاعد يخرج من الباب الثاني. قاعدين نجيب من البحر ونرجع البحر تاني. نجيب من الدنيا ونرجع الدنيا تاني. انما ربنا هنا بيقول بقية ايمان قبل الدعوة. طهر بيتي قبل اذن في الناس. ليه؟ اذن في الناس بالحج يأتوك. اذن يأتوك - 00:46:04

هتشتغل في الدعوة الناس جاية يا جماعة. القضية هتجيئهم على ايه؟ ما الناس السنين اللي فاتت ده العشرين سنة اللي فاتوا من يوم ما الواحد التزم ملايين مملينة - 00:46:24

التزمت ثم رجعت للدنيا كلها تاني ليه؟ جت ما لقتش حاجة. جت ما لقتش بقية ايمان، جت ما لقتش الشيوخ والدعاة والعلماء مستنيينهم. جت ما لقتش الدعاة قاعدين المساجد منتظرینهم يحتضنونهم. جت ما لقتش ده يحفظهم قرآن وده يعلمهم تجويد. وده يوديهم مقابر وده يوديهم تدبر وده يديهم علم شرعي - 00:46:35

وده يديهم دروس ايمانية وده يقعد معهم يفتحوا له قلوبهم. جم ما لقوش بقية ايمان. هنفضل لحد امتنى نجيب من البحر ونرجع البحر؟ عشان كده المرة الجاية ديت بالزارات يعني هتبقى ان شاء الله بازن الله حلقة مهمة جدا. ودرس مهم جدا بازن الله سبحانه وتعالى - 00:46:55

هنتكلم فيها عن نقطتين في غاية الخطورة. بيئة الایمان اول بيئة ايمان اقيمت على وجه الارض. اللي هي المسجد الحرام. عشان كده هنا بيصدوا عن المسجد الحرام المشركين عشان مش عايزين المسلمين يتربوا في بيئة الایمان العظيمة دي عايزين الملتزمين يفضلوا ضعفاء المستوى. مش عايزين ببيات ايمان تقوم. هنتكلم عن - 00:47:12

الایمان وخطورة بقية الایمان وهنتكلم الحاجة الثانية عن عبادة العمرة والحج. اللي بتغير حياتك وبتغير حياتك. وبتقلب كيانك

وبتقلب كيانك تماماً تماماً يا اخواني في الله آآ يبقى خرجنا هنا باصلين من اصول الوصول الى الله بربو من مقدمة الكلام عن الشوط الرابع في سورة الحج - 00:47:32

اه اه اللي هتكلم عنه المرة الجاية بالتفصيل. الاصل الاول الارتباط بالمسجد الحرام. من اصول الوصول الى الله. الارتباط بالحج وال عمرة. من اصول التغيير واصول الصلاح والاصلاح في الارض. ونشر الهدایة. الحاجة الثانية لا وصول الى الله بدون بيئة ايمان. لا - 00:47:52

والدعوة الى الله بعد بناء بيئة ايمان والا فنحن نضيع طاقاتنا ونهدى طاقاتنا. لو اشتغلنا في الدعوة بدون ما يكون عندنا بيئة ايمان نستقبل الناس عليها زي الوضع دلوقتي في التيار السلفي. الدعاء قاعدين يشتغلوا في كل البلاد ويدوا دروس في كل البلاد. وما حدش بيفرك. الناس اللي بتيجي دي هنوديها فين - 00:48:12

قاعدين نقول للناس اعتكروا معنا. طب وبعدين ؟ تعالوا نعمل لكم معسكرات شبابية. طب وبعدين ؟ تعالوا اما نعمل لكم عمرة. طب وبعدين وبعدين ما بنلاقيش حته نودي الناس عليها. طب ما يا اخواني في الله نبدأ نبني بيئة ايمان. الداعية بدل ما يقدر يلف في البلاد. نص وقته يعمل فيه بيئة ايمان في بلده. ونص - 00:48:32

في وقت يخرج للناس. ويجب الناس على بقية ايمان بدل ما احنا قاعدين ناخذ من البحر ونرجع البحر للاسف الشديد. اتكلمنا النهاردة في الحلقة الثالثة. اول حاجة الشوط تالت من سورة الحج نزل امتي ؟ قلنا نزل بعد نصر بدر يعني مدني وقلنا ان الشوط الثاني كان مكي وقلنا ان عجيب اوبي اوبي ان شوط نزل في عز - 00:48:51

يتحط بعده ايات نازلة في عز المدينة بعد نصر بدر. ولما تحط الاثنين جنب بعض تلاقي الاثنين قمة الترابط. الشوط الثاني بيتكلم عن جدالهم وتجبرهم وحربيهم على الدعوة بيجي الشوط الثالث يتكلم عن نهايتم وهم بيترموا في جهنم. قلنا الشوط الثالث نازل في ثلاثة من اصحاب النبي عليه الصلاة والسلام وقفوا في وش الباطل - 00:49:11

اول ثلاثة رفعوا سيف في وش الباطل وعرضوا دمهم للخطر في وش الباطل. علي ابن ابي طالب حمزة بن عبد المطلب عبيد ابن الحارث وقلنا عظيم اوبي. جميل قوي انت تبقى صادق - 00:49:31

لغيرك انت تبقى راس حربة للدعوة الى الله. يعني تبقى انت تسفلت طريق في الجامعة او في النوادي او للشباب او للمناطق الشعبية كل الدعاء بعد كده يمشوا وراك فيه وانت كنت انت السبب فيه. قلنا يا جماعة الایات ديت هتتاخذ على معنيين في غاية الخطورة. المعنى الاول ان - 00:49:41

الموقف اللي بيتحط ده العذاب الرهيب ده والنعيم ده حصل فور قتل الكفار في غزوة بدر وفور قتل المؤمنين في غزوة بدر يعني فوراً جزاء من جنس العمل في الدنيا. حصل هزا السواب يا اما ان المشهد ده والخصومة ديت حصلت ساعة العرض على الله يوم القيمة وهذا النعيم وهذا العذاب - 00:50:01

يحدس في العرض على الله يوم القيمة. ما تنسوش ان احنا اتكلمنا ان الفجوة مهولة ما بين ايات العذاب وايات النعيم. وقلنا ان ايات العذاب دي اشد شوط انتقامي عن - 00:50:21

في القرآن كله وجينا حاجة جميلة اوبي اوبي ان بعد ما شرحنا ايات النار وايات الجنة اتكلمنا ان ايات الجنة عكس ايات النار بالزبط وان كل كلمة في ايات - 00:50:31

الجنة عكس جملة من السنت جمل اللي في ايات النار. واتكلمنا ان الجنة مش خضراء وماية. ده الجنة انواع كثيرة من النعيم ذكرت وليست مجرد شوية خطوة وماية اصول الوصول الى الله من الشوط الثالث. الاصل الاول كن اسبق الخلق الى الله وتميز في الدنيا حتى يميذه - 00:50:41

الله في الآخرة. كن اسبق الخلق الى الله. قلنا ان الایات دي نازلة في ثلاثة من الصحابة تكريما لهم لانهم اول ناس رفعوا السيف عشان ربنا وتميز في الدنيا حتى يميذه - 00:51:01

الله في الآخرة انهم في الآخر خدوا ايه ؟ يحلون فيها يعني بقوا احلى من كل اهل الجنة واجمل من كل اهل الجنة تميزوا من الله لهم.

الاصل الثاني من اصول - 00:51:11

الوصول الى الله كن مستعدا ان تفعل اي شيء لاجل الله. فمن كسب الله فماذا خسر؟ ومن خسر الله هذا كسب خصمان اختصموا في ربهم عدوا الدنيا كلها. خسروا قرائبهم. سابوا اوطانهم. ضحوا بدمهم كل ده عشان ايه؟ في ربهم. مستعد تستحمل المشاكل عشان ربنا - 00:51:21

مستعدة تدخل في خصومات مع العلمانيين والملحدين واهل الباطل والمغيرين لشرع الله عشان ربنا كن مستعدا لان تفعل اي شيء لاجلي. الله. الاصل الثالث لم تصر على مشاق الطريق الا ان كان عندك اليقين بثمار الطريق. اليقين بثمار الطريق زي ما قلنا هذان خصمان. هذان - 00:51:41

بإشارة للمحسوس الملموس المرئي. يا رب انا لسة يوم القيمة ما جاش وما شفتش المشايخ ديت. شفها في قلبك من الوقت وحس بها من الوقتي. ان الله يدخل الذين امنوا وعملوا - 00:52:01

جنت يبقى ان ديت يبقى عندك يقين في ثمار الطريق عشان تقدر اللي اهل الباطل بيهواطنونها بها يبقى عندنا هذا ايه؟ اليقين الرابع القرآن هو السبيل الوحيد للهداية وللجننة وهدوا الى الطيب من القوم. اياك ان تتربي على المناهج المختلطة. وانما اقصد - 00:52:11

البنابيع الصافية. يعني ما تتربياش ايه ؟ اتربي على الطيب من القول. على القرآن اللي هيغير كل حاجة في حياتك. القرآن الطاهر العظيم في صحف مكرمة مرفوعة مطهرة اتربي على هزه الصحف عشان تتطهري وترتفعي. الاصل الخامس. يعني لما دخلنا بقى في الشوط الرابع او مبادئ الشوط - 00:52:31

رابع الارتباط بالمسجد الحرام. الارتباط باعظم بيئه ايمان وجدت على وجه الارض. الارتباط بعبادة الحج وال عمرة. فبدون الحج وال عمرة ستفقد ركتنا عظيمها من اركان الوصول الى الله. الاصل السادس من اصول الوصول الى الله في هذه الایات التي تكلمنا عنها ان الدعوة الى الله لن تثمر الا بعد - 00:52:51

بناء بيئه الایمان. اولا لازم الدعاء يقعدوا في الجماع. يستنوا الناس ويرتبوا لهم بيئه ايمان وبيئه علم وبيئه اعمال اجتماعية وبيئه ترفيه وبيئه زوجاتهم وبها ايمانية لولادهم لازم يبقى في كل بلد فيه مسجد يبقى عبارة عن مول تربوي. الشاب اللي يدخل او البنت اللي تدخل يلاقوا مجال للالتزام - 00:53:11

والا قاعدين نجيب من البحر ونرجع في البحر تاني فبناء بيئه الایمان من اعظم اصول الوصول الى الله سبحانه وتعالى و ساعتها ستثمر الدعوة الى الله ولن للطاقات ربنا بيارك فيكم وربنا يسددكم. عشنا النهاردة مع الشوط الثالث من آالاشواط الثمانية في سورة الحج. ان شاء الله بازن - 00:53:31

السبت القادم بازن الله موعدنا يا جماعة مع سلسلة اصول الوصول الى الله من سورة الحج. السورة اللي بتعلماك كيف تعيشين في سبيل الله. مش كيف تموت في سبيل الله الا اعظم من ان انا اموت في سبيل الله ان انا اعيش في سبيل الله. عشان اعلم الدنيا كلها ازاي يعيشوا في سبيل الله. لما الغرب عمل لايف ستايل - 00:53:51

غريبة نجح بها انه يتمتع بشيء من ثمار الدنيا. المسلمين نفسمهم جروا وراهم وقالدوهم ليه؟ الناس كلها عايزه تعيش. عايزه حد يعلمها ازاي تعيش. سورة حج بتعلمنا ازاي نعيش في سبيل الله. وازاي نصل الى الله سبحانه وتعالى من خلال هذه القواعد. ما تنسوش المسابقة. ما تنسوش الصفحة الرسمية آالاتاعتنا. الصفحة الرسمية للدكتور حازم شومان - 00:54:11

على الفيسبوك هتلاقوا تفريغ الحلقة بازن الله سبحانه وتعالى تفريغها موجود على الصفحة بعد نزول الحلقة بازن الله. وهتلاقوا الانفوجراف اللي بيلخص الحلقة موجود على الصفحة بازن الله. وهتلاقوا الحلقة كاملة على الصفحة. ما تنسوش يا جماعة ان آالهتزاكرروا التلخيص و هتسمعوا الحلقة - 00:54:31

وهتذاكرروا اي تفسير من التفاسير اللي زي مختصر ابن كثير او تفسير الشيخ مصطفى العدوي او تفسير السعدي وان شاء الله يبقى فيه مسابقة في نهاية سلسلة جوائز عمرات بازن الله سبحانه وتعالى وربنا يوسع ارزاقنا على طاعته. احنا بنتكلم عن سورة الحج.

يبقى الجايزة ان ربنا بقى يفتح لنا ابواب - 00:54:51

الحج وابواب العمرة وابواب الحرم باذن الله سبحانه وتعالى. ربنا يسددكم وربنا يبارك فيكم يا اخوانى في الله. وربنا يكرمكم شدوا حيلكم تذكروا يلا السلسلة ديت انا بحاول اعرضها بطريقة علمية شوية بطريقة منهجية شوية عشان نبدأ نتعلم مع بعض بقى التفسير ونقرب من تفسير كتاب ربنا - 00:55:11

عشان حياتنا نور. اللهم اجعل القرآن العظيم ربيع قلوبنا ونور صدورنا وجلاء احزاننا وذهب همومنا ولي ذلك والقادر عليه. سبحانهك اللهم وبحمدك اشهد ان لا الله الا انت استغفرك واتوب اليك. وجزاكم الله خيرا - 00:55:31